



UNIVERSITÄTS-  
BIBLIOTHEK  
PADERBORN

## **Clypevs Theologiæ Thomisticæ**

Continens Tractatus de attributis, de visione Beatifica, de scientia Dei, ac  
de ejus voluntate, & Providentia

**Gonet, Jean-Baptiste**

**Parisiis, 1669**

§. I. Præmittuntur quæ apud omnes sunt certa, & referuntur sententiæ,

---

[urn:nbn:de:hbz:466:1-77232](#)

Ium aetū libertum videri à beatis, ex vi visionis beatifica, cùm ex vi illius, ea tantum videantur, qua habent necessariam connexionem cum essentia divina.

43. Confirmatur: Si actus liberi Dei videantur in essentia divina clarè visa, & ex vi luminis gloriae eam manifestans, sequitur quod ille qui perfectius videret essentiam divinam, & haberet intensius lumen gloriae, plura etiam videret decreta libera voluntatis divinae: Sed hoc est falsum,

43.7. cùm enim, ut infra dicemus, quilibet beatus videat in essentia divina omnia quae pertinent ad eius statum, ille qui habuit majorem curam in Ecclesia, & qui fuit v. g. Summus Pontifex, vel Patriarcha alicuius Religionis, plura videbit decreta Dei, quam alter qui non habuit talem curam in Ecclesia, quamvis sit magis beatus, & habeat intensius lumen gloriae: Ergo &c.

44. Ad objectionem respondendo negando sequelam Majoris. Ad probationem dicendum quod licet actus liberi Dei, secundum entitatem, & realitatem increatam quam important, habeant necessariam connexionem cum divina essentia, ac proinde secundum hanc rationem videantur à quilibet beato, tamen secundum terminationem quam dicunt ad creaturas, non habent necessariam, sed liberam cum illa connexionem unde sub hac ratione non videntur à beatis, propter necessariam connexionem cum divina essentia, sed quia sunt aliquid ad Deum pertinens, & manifestatum ex ordinatione divinae voluntatis, huic vel illi intellectui beato.

45. Ex hoc patet responsio ad confirmationem: cùm enim actus liberi Dei, non videantur propter necessariam connexionem quam habeant cum essentia divina, sed ex speciali manifestatione Dei dirigentes & ordinantes suum actum liberum ad intellectum uniuscujusque beati, illorum cognitione non debet proportionari, vel commensurari visioni essentie divinae, & intensioni luminis gloriae, sed praedictæ ordinationi, & manifestationi divinae, quæ major, vel minor est, secundum diversitatem statutum quem quilibet beatus habuit in Ecclesia militante: unde fieri potest quod minùs beatus interdum plura decreta Dei libera videat in essentia divina, quam magis beatus.

## ARTICULUS IV.

Vtrum beati videant creaturas possibles in essentia divina tanquam in causa, & medio prius cognito?

## §. I.

Premittuntur quæ apud omnes sunt certa, & referuntur sententiae.

46. Suppono primò: Beatos ex vi status beatitudinis, aliquas creaturas de facto cognoscere. Probatur haec suppositio: Quia Joan. 17. dicitur: *Hæc est vita æterna, ut cognoscant te Deum verum, & quem misisti Iesum Christum:* Constat autem, quod in Jefu Christo misso includitur non sola divinitas, sed etiam humanitas, quæ aliquid creatum est: Pertinet ergo ad vitam æternam, aliquid creatum cognoscere. Item Concilium Senonense in decretis fidei, damnando illum errorem, quod Sancti non orant pro nobis, & declarando quomodo Sancti cognoscant orationes nostras, ait: *Hæc facile intelligit, qui beatis per vium esse non ignorat, uniforme illud diuinitatis speculum,*

A in quo quidquid eorum interfit elucefit. Unde communiter Theologi docent, pertinere ad unumquemque beatum, quod cognoscat ea quæ spectant ad suum statum, ut colligitur ex D. Thomas 3. parte quest. 10. art. 2. Inquirimus ergo modum quo beatæ creature in Deo cognoscunt: an videant eas in verbo, & in essentia divina tanquam in causa, & medio prius cognito, vel extra verbū, per species à Deo infusas, & ipsas creature immediate representantes? Quod ut magis declaretur.

Suppono secundò: Dupliciter aliquid posse cognosci ex vi visionis beatifica: primo formaliter, secundò causaliter: formaliter in verbo videri dicitur, quod cognoscitur eadem visione & eodem lumine ac specie, quæ Deus ipse videtur, ratione alicuius connexionis quam habet cum illo. Causaliter vero, quod non cognoscitur formaliter per ipsam visionem beatam, nec per speciem incretam, sed alià diversâ cognitione, per revelationem habitâ extra verbum, & per species infusas, quæ dantur à Deo intuitu ipsius visionis beatæ, & ab ea derivantur, aut regulantur. Et hoc modo Theologi distinguunt in Christo & in beatis duplicem scientiam: unam beatam, per quam cognoscunt res in verbo, & in essentia divina clarè cogniti; & aliam infusam, per quam vident res extra verbum, per species à Deo inditas.

Suppono tertio: Tribus modis posse contingere, quod plura objecta simul & eodem actu cognoscantur. Primo quia per eandem speciem representationis, quamvis unum non sit ratio cognoscendi aliud. Sic Angelus potest simul, & unicò actu cognoscere hominem, equum, & leonem: quia tres illæ naturæ, quamvis inter se diversæ, per eandem speciem illi representantur, ut docetur in Tractatu de Angelis. Secundò plura objecta simul cognosci possunt, propter habitudinem quam unum dicit ad aliud, licet unum in alio non contineatur tanquam in causa. Sic relatio simul cognoscitur cum termino, eo quod relativa sunt simul naturæ & cognitione. Tertio unum potest cognosci in alio, ratione connexionis, & dependentiæ quam habet ab illo: quod pacto quilibet effectus cognosci potest in sua causa. Et de hoc tertio modo cognoscendi creature in verbo, agimus in præsenti, & inquirimus, an beati cognoscant creature possibiles in essentia divina tanquam in causa, & medio prius cogniti, ratione dependentiæ & connexionis quam habent cum illa? Quia difficultas applicari potest etiam creaturis existentibus, vel futuris: eadem enim est ratio de illis, ac de possibilibus. In cuius refectione, partem negativam tener Vazquez hic disp. 50. cap. 6. quem plures ex Recentioribus sequuntur: affirmativam vero amplectuntur Thomistæ, & plures alij.

## §. II.

Conclusio affirmativa statuitur.

Dico igitur: Beati vident creature possibiles, 49: din Deo tanquam in causa, & medio prius cognito. Ita D. Thomas hic art. 8. ubi sic ait: *Manifestum est, quod si aliqua videntur in Deo secundum quod sunt in ipso: omnia autem alias sunt in Deo, sicut effectus sunt virtute in sua causa: sic igitur videntur omnia in Deo, sicut effectus in sua causa.* Quod nihil clarius, & expressius, in favorem nostræ conclusionis dici potest.

Idem passim docent SS. Patres: Augustinus enim 11. de civit. cap. 7. hæc scribit: *Cognoscere*